

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**  
po Zahtjevu za mišljenje privrednog subjekta OPTIMA Grupa d.o.o. Banja Luka

**Sarajevo**  
**August, 2013. godine**



Broj: 01-26-7-14-1-I/13  
Sarajevo, 1.8.2013. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta Optima Grupa d.o.o., Kralja Alfonsa XIII broj 37A, 78000 Banja Luka, zaprimljenog od Konkurencijskog vijeća dana 25.7.2013. godine pod brojem: 01-26-7-14-I/13, Konkurencijsko vijeće, na 64. (šezdesetčetvrtoj) sjednici održanoj dana 1.8.2013. godine, je donijelo

### **MIŠLJENJE**

Privredni subjekt Optima Grupa d.o.o., Kralja Alfonsa XIII br. 37A, 78000 Banja Luka (u daljem tekstu: Optima Grupa ili Podnosilac zahtjeva), podnio je Konkurencijskom vijeću Zahtjev za davanje mišljenja u vezi postojanje obaveze podnošenja prijave koncentracije (u daljem tekstu: Zahtjev), zaprimljen dana 25.7.2013. godine pod brojem: 01-26-7-14-I/13.

Podnosilac zahtjeva u Zahtjevu, između ostalog, navodi:

- da su dana 18.7.2011. godine Podnosilac zahtjeva i privredni subjekt Naftachem d.o.o. Novi Sad Konkurencijskom vijeću podnijeli prijavu koncentracije u vezi sa pristupanjem u vlasništvo privrednog subjekta Naftachem d.o.o. Novi Sad sa udjelom od (..)\*\*<sup>1</sup>% u postupku povećanja osnovnog kapitala u privrednom subjektu Nestro Dunav d.o.o. Novi Sad;
- da je Konkurencijsko vijeće dana 29.9.2011. godine donijelo Zaključak broj: 01-26-1-015-4-II/11 kojim je utvrđeno da u predmetnom slučaju ne postoji koncentracija, u smislu odredbi člana 12. Zakona o konkurenciji;
- da Podnosilac zahtjeva namjerava prodati preostalog (..)\*\*% vlasničkog udjela u privrednom subjektu Nestro Dunav d.o.o. Novi Sad privrednom subjektu iz Kraljevine Holandije, koji na tržištu Bosne i Hercegovine, prema saznanjima Podnosioca zahtjeva, ne obavlja poslovne djelatnosti niti ostvaruje prihode.
- da je ukupan godišnji prihod Podnosioca zahtjeva na teritoriji Bosne i Hercegovine u 2012. godini iznosio (..)\*\* KM;

Podnosilac zahtjeva traži Mišljenje od u vezi postojanje obaveze podnošenja prijave koncentracije obzirom da se radi o prodaji vlasničkog udjela u privrednom subjektu registovanom u inostranstvu, a imajući u vidu Zaključak Konkurencijskog vijeća broj: 01-26-1-015-4-II/11 od dana 18.7.2011. godine.

S tim u vezi, Konkurencijsko vijeće napominje da je članom 12. stav (1) Zakona o konkurenciji propisano šta se smatra koncentracijom i to:

---

<sup>1</sup> (..)\*\* - Podaci predstavljaju poslovnu tajnu, u smislu člana 38. Zakona o konkurenciji

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
  - 1) sticanjem kupovinom većine dionica ili udjela osnovnog kapitala; ili
  - 2) sticanjem većine prava glasa; ili
  - 3) na drugi način, u skladu s odredbama zakona koji reguliraju osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Članom 14. stav (1) Zakona o konkurenciji propisano je da su učesnici namjeravanu koncentraciju obavezni prijaviti kada su ispunjeni sljedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihov zajednički tržišni udio veći od 40,0%.

Članom 2. Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10) je propisano da su namjeravanu koncentraciju iz člana 12. Zakona o konkurenciji, učesnici koncentracije obavezni prijaviti i to:

- a) privredni subjekti sa sjedištem i prebivalištem u inostranstvu ukoliko su ispunjeni uslovi iz člana 14. stav (1) tačke a) i b) Zakona o konkurenciji, i
- b) privredne subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. stav (1) tačka b) Zakona o konkurenciji.

Iz navedenog proizilazi da je, ukoliko su ispunjeni uslovi iz člana 12. Zakona o konkurenciji, Podnosilac zahtjev je dužan prijaviti namjeravanu koncentraciju ako učesnici koncentracije ispunjavaju uslove iz člana 14. stav (1) tačke a) i b) Zakona o konkurenciji.

Ovo Mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo Mišljenje se ne može primijeniti.

**Predsjednica**

**Gordana Živković**